

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Коми Республикалөн Каналан Сöветса депутатъяс О.А. Михайловлөн, И.А. Богдановлөн, Е.В. Дьячковалөн группалысь Коми Республикаын шыбласъясөн вöдитчан мутас схемалөн, мый вынсьöдöма Коми Республикаса вөр-ва озырлун да гөгöртас видзан министерстволөн 2020 во öшым тöлысь 11 лунся 2286 №-а Тшöктöдөн, 6 юкöдса да 11.1 №-а Содтöдса положениеяслысь Оланподувлы лöсялöмсö прöверитöм йылысь запроссö видлалöм вылö примитöмын öткажитöм йылысь

Коми Республикаса Оланподув Ёрдлөн кывкöртöд

Сыктывкар

2021 вося урасьöм тöлысь 19 лун

Коми Республикаса Оланподув Ёрд, кöни веськöдлысьнас вöли В.В. Кретов, ёрдысьяснас вöлисны Д.Н. Басманов, Н.В. Боковикова, А.В. Проскуров,

ёрдлөн заседание дырйи ёрдысь Н.В. Боковиковалысь, кодi «Коми Республикаса Оланподув Ёрд йылысь» Коми Республикаса Оланпаслөн 37 статья подув вылын водзвыв видлалiс Коми Республикалөн Каналан Сöветса депутатъяс Олег Алексеевич Михайловлөн, Илья Алексеевич Богдановлөн, Екатерина Валериановна Дьячковалөн группалысь шыödчöм, заключениесö кывзöм бöрын

п а с ы и с:

1. Коми Республикаса вөр-ва озырлун да гөгöртас видзан министерстволөн 2020 во öшым тöлысь 11 лунся 2286 №-а Тшöктöдөн

(водзö 2286 №-а Тшöктöд) вынсьöдöма Коми Республикаын шыбласьясöн вöдитчан мутас схема (водзö – Мутас схема).

Коми Республикалөн Каналан Сöветса депутатьяс О.А. Михайловлөн, И.А. Богдановлөн, Е.В. Дьячковалөн группа шыöдчис Коми Республикаса Оланподув Ёрдö Мутас схемалөн 6 юкöдса да 11.1 №-а Содтöдса положениеяслысь Оланподувлы лöсялöмсö прöверитöм йылысь запросöн (водзö – 11.1 №-а Содтöд).

Мутас схемалөн «Шыбласьяс обработайтан, иналан, лёк вöчöмысь дугöдан объектъяслөн да шыбласьяс меститан объектъяслөн меститчаніньяс, кутшöмьясöс пыртöма шыбласьяс меститан объектъяслөн канму реестрö» 6 юкöдын урчитöма 2022 воö республикалөн торья ылі мутасьяслы, кодьяскöд абу вогöгöрся транспорт йитöд (Печора юлөн шуйга берег юкөн, Сивöй Маска п., Елецкöй п., Чилимдін с.), термическöй деструкциялысь 4 установка уджö пыртöм (1 абзац). Термическöй деструкциялөн установка вылö шыбласьяс вайигөн урчитöма найöс обработайтöм (сортируйтöм) (2 абзац). Вайöдöм юкöдлөн 3 абзацөн урчитöма 2022 во бöрын республикаса став ылі да сьöкыда воöдчан мутассö чорыд коммунальнöй шыбласьяс серти термическöй деструкция нуöдан объектъясөн (установкаясөн) могмöдöм, кöни став объект вылын лöоны ёг сортируйтысь линияяс. Вайöдöм юкöдлөн 6 абзацын индöма, мый шыбласьясөн вöдитчан мутас схемалөн балаö сьöкыда воöдчан мутасьясын термическöй деструкция объектъяс пыртöмсö подулалöма артмысь шыбласьяссö экономика боксянь бырöдны коланлунөн; шыбласьясөн вöдитчан юкöнын канму политика збыльмöдöмөн, мый серти урчитсьö шыбласьяс обработайтöмлөн да иналöмлөн верктуйыс меститöм дорысь; гуалöм вылö веськöдöм шыбласьяслысь лыдсö чинтöмөн.

Водзö вылö установкаясөн вöдитчöмсö урчитöма чорыд коммунальнöй шыбласьяс бырöдан юалöмьяс решитанног пыдди, а абу установкалөн торья модельөн (маркаөн) вöдитчöмсö. Шыбласьяс бырöдан объектъяслы да технологияслы, кутшöмьясöс планируйтöны, кыдзи

канму экологическӧй экспертиза объектъяслы, колӧ лӧсявны вӧр-ва видзан да санитарно-эпидемиологическӧй оланпастэчаслӧн корӧмъяслы гӧгӧртас вылӧ омӧля тӧдчӧмсӧ чинтӧм могысь (7 абзац).

Запрос подулалӧмын индӧма, мый 6 юкӧдса 6 абзацлӧн положениеясӧн экономика боксянь коланлунсӧ шуӧма верктуяӧн гӧгӧртас да дзоньвидзалун видзӧм серти, мый муно паньд Коми Республикаса Оланподувлы да шыбласьясӧн вӧдитчан канму политикалӧн верктуй пӧрадоклы, кутшӧмсӧ урчитӧма «Производство да потребление шыбласьяс йылысь» 1998 во лӧддза-номъя тӧлысь 24 лунся 89-ФЗ №-а Федеральнӧй оланпасӧн (водзӧ – 89-ФЗ №-а Федеральнӧй оланпас).

Шыбласьяс, сы лыдын чорыд коммунальнӧй шыбласьяс, обработайтӧм, иналӧм, лӧк вӧчӧмысь дугӧдӧм да видзӧм серти стрӧитны планируйтан объектъяс 11.1 №-а Содтӧдын 1 - 4 дорыв номеръяс улын индӧма лӧк вӧчӧмысь термодеструкционнӧя дугӧдан установкаяс, кутшӧмъясӧс кӧсйӧны пыртны 2022 воын, пӧрадок серти лӧсялӧмӧн «Печора» МР МӧЮ-ын, Печора юлӧн шуйга берег, Кожва ккп; «Воркута» КК МӧЮ-ын Сивӧй Маска пос.; «Воркута» КК МӧЮ-ын Елецкӧй пос.; «Чилимдӧн» МР МӧЮ-ын Чилимдӧн с., 10-ӧд графаын тайӧ установкаясслысь проектнӧй вынйӧръяссӧ индӧмӧн. Та дырйи, кыдзи индӧсны шыӧдчысьяс, вайӧдӧм 11.1 №-а Содтӧдын абу расшифруйтӧма нимсӧ да абу вайӧдӧма тайӧ установкаясслысь уджалан принципсӧ, абу индӧма гӧгӧртас вылӧ налысь лӧка тӧдчӧмсӧ доньялӧм вылӧ, мый, шыӧдчысьясслӧн шуӧм серти, оз лӧсяв мутас схемаяслӧн тӧчас да сюрӧс дорӧ корӧмъяслы, кутшӧмъясӧс урчитӧма Производство да потребление шыбласьясӧн, сы лыдын чорыд коммунальнӧй шыбласьясӧн, вӧдитчан юкӧнын мутас схемаяс лӧсьӧдан, йӧзкӧд видлалан, вынсьӧдан, корректируйтан правилӧясӧн, а сӧдзжӧ татшӧм схемаяслӧн тӧчас да сюрӧс дорӧ корӧмъяслы, кутшӧмъясӧс вынсьӧдӧма Россия Федерацияса Воськӧдлан котырлӧн 2018 во кӧч тӧлысь 22 лунся 1130 №-а Шуӧмӧн.

Запросын шыёдчысыяс ыстысьоны сы вылө, мый лёк вөчөмысь термодеструкционнөя дугөдан öнiя производство установкаяс, а буретш шыбласьяс газифицируйтөм серти установкаяс, либө чорыд коммунальнөй шыбласьяс иналөм вылө инсинераторьяс лэдзöны атмосфераö зэв токсичнөй петöмьяс, вöчöны токсичнөй пöим да из шом шыбласьяс, кутшöмьяслөн опасносът классыс ыджыджык бытöвöй шыбласьясысь, тайö жö кадö Коми Республикаын абуöсь чорыд коммунальнөй шыбласьяс сотöмысь пöим да из шом колясыяслысь лёк вöчöмсö дугөдöм вылө вынйöрьяс да объектьяс. Такöд йитöдын, шыёдчысыяслөн видзöдлас серти, 2022 воö нель татшöм установка, а водзö вылө став сьöкыда воөдчан да ыли местаын пыртöмыс артмөдö грöз Коми Республикалөн вөр-ва гөгöртаслы да став татчöс олысьлөн олöмлы, мый торкалö Коми Республикаса Оланподувлысь 13, 18, 42 да 43 статьяяс.

2. Шыёдчысыясөн сетöм материальяссö туялöм бöрын Коми Республикаса Оланподув Ёрд оз аддзы подувьяс, медым примитны запросö видлалöм вылө.

Коми Республикаса Оланподув, сылөн гражданалысь тыр-бур олöм могмөдöмысь кывкутöм вылө мыджсьöмөн, кутшöмöс вынсьöдöма сылөн водзкывйын, мортлысь да гражданинлысь инöдьяссö да вöлясö вынсьöдöмөн, эскöдö быдөнлысь дзоньвидзалун видзöм вылө инöд да бур гөгöртас, сылөн серпас йылысь стöч юөр вылө инöд (42 да 43 статьяяс).

Вөр-ваөн вöдитчöм, гөгöртас видзöм да экологическөй безопасносът могмөдöм, гөгöртас видзöм йылысь оланпастэчас пырöны Россия Федерациялөн да Россия Федерацияса субъектъяслөн öтвыв веськөдлöм улö (Россия Федерацияса Оланподувлөн 72 статьяса 1 юкөнлөн «д» да «к» пунктьяс да Коми Республикаса Оланподувлөн 64 статьяса «д» да «к» пунктьяс).

Россия Федерациялөн да Россия Федерацияса субъектъяслөн öтвыв веськөдланторьяс серти йöзöдöны федеральнөй оланпасьяс да на серти примитöм Россия Федерацияса субъектъяслысь оланпасьяс да мукöд

нормативной акт, кутшомьяс оз вермыны лоны паныд федеральной оланпасьяслы (Россия Федерацияса Оланподувлөн 76 статьяса 2 да 5 юкөнъяс, Коми Республикаса Оланподувлөн 65 статьяса 1 юкөн).

Мортлөн дзоньвидзалун да гөгортас выло производство да потребление шыбласьяслөн лёка тёдчомысь видзчысьом могысь производство да потребление шыбласьяслөн вөдитчан инода подувьяссө, а сіджө татшөм шыбласьяслөн сырьёлөн содтөд өшмөсьяс пыдди овмөсын вөдитчөмсө урчитөма 89-ФЗ №-а Федеральной оланпаслөн.

Индөм Оланпаслөн 6 статья серти шыбласьяслөн вөдитчан юкөннын Россия Федерацияса субъектыяслөн уджмогьясө пырө, торйөн нин, шыбласьяслөн вөдитчан мутас схема лөсьөдөм да вынсьөдөм.

Россия Федерацияса субъектлөн уполномочитөм олөмө пörтысь власьт орган мутас планируйтан документьяс серти лөсьөдө да вынсьөдө Шыбласьяслөн вөдитчан мутас схемасө 89-ФЗ №-а Федеральной оланпаслөн 13.3 статьяса 2 юкөн серти.

Коми Республикаын органөн, кодөс уполномочитөма Мутас схема лөсьөдөм выло, лоё Коми Республикаса вөр-ва озырлун да гөгортас видзан министерство («Коми Республикаса вөр-ва озырлун да гөгортас видзан министерство йылысь» Коми Республикаса Веськөдлан котырлөн 2017 во моз төлысь 24 лунся 452 №-а шуөм).

Россия Федерацияса субъектлы сетөм уджмогьяссө збыльмөдөм могысь Коми Республикаса вөр-ва озырлун да гөгортас видзан министерство вынсьөдіс Мутас схемасө 2020 во өшым төлысь 11 лунся 2286 №-а Тшөктөдөн.

Запрос дорө содтөм материалъясысь тыдалө, мый индөм Тшөктөдсө йөзөдтөдз вөлі Мутас схема йөзкөд видлалөм, мый урчитөма «Производство да потребление шыбласьяслөн, сы лыдын чорыд коммунальной шыбласьяслөн, вөдитчан юкөннын мутас схемаяс лөсьөдөм, йөзкөд видлалөм, вынсьөдөм, корректируйтөм йылысь, а сіджө татшөм схемаяслөн тэчас да сюрөс дорө корөмьяс йылысь» Россия Федерацияса

Веськӧдлан котырлӧн 2018 во кӧч тӧлысь 22 лунся 1130 №-а Шуӧмӧн, асьсӧ 2286 №-а Тшӧктӧдсӧ публикуйтӧма <http://law.rkomi.ru> официальной сайтын «Коми Республикаса канму власьт органъясӧн примитӧм инӧда актъяс, мукӧд официальной юӧр лыддьӧг» сетевой изданиеын.

Индӧмторйысь тыдалӧ, мый вензяна нормативной инӧда актсӧ примитӧма та вылӧ полномочной орган сийӧс примитӧм серти урчитӧм процедураӧ, а сӧдзжӧ сылӧн формаӧ да сикасӧ кутчысьӧмӧн.

Мутас схемалысь 6 юкӧдсӧ, кутшӧмлӧн положениеяслӧн Оланподувлы лӧсялӧм серти вензьӧны шыӧдчысьяс, кӧнӧ арталӧма чорыд коммунальной шыбласьясӧн вӧдитчан юкӧнын водзӧ вылӧ мероприятиеяс, сы лыдын чорыд бытӧвой шыбласьяс обработайтӧм, иналӧм да лӧк вӧчӧмысь дугӧдӧм серти вынйӧръяс, а буретш республикаса ыли мутасьяслы, кодъяскӧд абу транспорт йитӧд, термической деструкциялысь установкаяс, уджӧ пыртӧм, веськӧдӧма шыбласьясӧн вӧдитчан юкӧнын канму политика збыльмӧдӧм вылӧ, кутшӧмӧс урчитӧма 89-ФЗ №-а Федеральной оланпасӧн (3 статья), мый урчитӧ, сылӧн водзкыв серти, производство да потребление шыбласьясӧн вӧдитчан инӧда подувьяссӧ мортлӧн дзоньвидзалун да гӧгӧртас вылӧ шыбласьяслӧн лӧка тӧдчӧмысь видчысьӧм могысь да такӧд йитӧдын оз позь донъявны кызди оланподув инӧдьяссӧ торкӧм, кутшӧмъясӧс шыӧдчысьяс индӧсны запросын.

Мутас схемалӧн 6 юкӧдса 6 да 7 абзацьяслӧн сюрӧсысь артмӧ, мый шыбласьясӧн вӧдитчан мутас схемаӧ республикаса сьӧкыда воӧдчан мутасьясын термической деструкция объектъяс пыртан плансӧ пыртӧгӧн тӧд вылын кутӧсны эз сӧмын экономика боксянь коланлунсӧ, а сӧдзжӧ и сийӧс, мый шыбласьяс бырӧдан объектъяслы да технологияслы, кутшӧмъясӧс планируйтӧны, кызди канму экологической экспертиза объектъяслы, колӧ лӧсявны вӧр-ва видзан да санитарно-эпидемиологической оланпастэчаслӧн корӧмъяслы гӧгӧртас вылӧ омӧля тӧдчӧмсӧ чинтӧм могысь, мый серти колӧ могмӧдны йӧзкотырлӧн экономической да экологической интересьяслысь сӧгласуйтӧмӧн

лӧсялӧмсӧ, мыйкӧд йитӧдын вайӧдӧм положениеяссӧ шыӧдчысьясӧн индӧм аспектын оз вермыны видлавны кыдзи оланподув инӧдъяс торкалысьясӧс.

«Коми Республикаса Оланподув Ёрд йылысь» Коми Республикаса Оланпаслӧн 3 статья (2 да 3 юкӧнъяс) подув вылын Коми Республикаса Оланподув Ёрд решайтӧ сӧмын инӧд серти юалӧмъяссӧ да оланподув судопроизводство дырйи кутчысьӧ збыль лоӧмторъяс урчитӧмысь да туялӧмысь став случайын, кор тайӧ пырӧ мукӧд ёрдлӧн либӧ мукӧд органлӧн компетенцияӧ.

Запросысь артмӧ, мый шыӧдчысьясӧс майшӧдлӧ лӧк вӧчӧмысь термодеструкционнӧя дугӧдан производство установкаясса уна сикас модельлӧн экологической безопасностис налӧн петӧмъяс да производство шыбласъяс серти, мый, налӧн видзӧдлас серти, вермас артмӧдны грӧз Коми Республикалӧн гӧгӧртаслы да олысьяслӧн дзоньвидзалунлы. Сы могысь, медым прӧверитны тайӧ доводъяссӧ, колӧ урчитны да донъявны збыльвывса лоӧмторъяссӧ, мый Коми Республикаса Оланподув Ёрдлӧн компетенцияӧ, кыдзи сийӧс урчитӧма Коми Республикаса Оланподувлӧн 96 статьяӧн да «Коми Республикаса Оланподув Ёрд йылысь» Коми Республикаса Оланпаслӧн 3 статьяӧн, оз пыр, кыдзи и обжалуйтӧм нормативнӧй акт сы серти прӧверитӧм, лӧсялӧ-ӧ сийӧ нормативнӧй актлы, кутшӧмлӧн эм ыджыдджык юридической вын, мый артмӧдӧ ӧтувья юрисдикцияя ёрдъяслысь медыджыд инӧдсӧ.

Висьталанторйысь тыдовтчӧ, мый Коми Республикалӧн Каналан Сӧветса депутатъяс группалӧн запросыс оз лӧсяв Коми Республикаса Оланподув Ёрдӧ шыӧдчӧмъяслӧн позяна муртӧслы да сийӧс оз вермыны примитны видлалӧм вылӧ.

Гижӧм вылӧ подуласьӧмӧн, Коми Республикаса Оланподувлӧн 96 статьяӧ, «Коми Республикаса Оланподув Ёрд йылысь» Коми Республикаса Оланпаслӧн 39 статьяса 1 юкӧнлӧн 1 да 2 пунктъясӧ, 66 статьяса 2 пунктӧ, 72 да 73 статьясӧ кутчысьӧмӧн, Коми Республикаса Оланподув Ёрд

кы в к ö р т а л і с:

1. Öтказитны Коми Республикалөн Каналан Сöветса депутатъяс О.А. Михайловлөн, И.А. Богдановлөн, Е.В. Дьячковалөн группалысь запросö видлавны примитöмын, сы вöсна мый «Коми Республикаса Оланподув Ёрд йылысь» Коми Республикаса Оланпаслөн корöмъяс серти сійö оз лöсяв шыöдчöмъяслөн позяна муртöслы.

2. Тайö Кывкöртöдыс лоö бöрьяөн, сійöс оз позь обжалуйтны, дзик пыр вынсялö сійöс юöртöм бöрын да уджалö веськыда.

3. «Коми Республикаса Оланподув Ёрд йылысь» Коми Республикаса Оланпаслөн 72 статья серти тайö Кывкöртöдсö дзик пыр колö официальнöя публикуйтны «Коми Республикаса канму власьт органъяслөн индöд-тшöктöмъяс» журналын да йöзöдны «Öтуввез» юöртан да коммуникация везыын Коми Республикалөн официальной сайтын «Коми Республикаса канму власьт органъясөн примитöм инöда актъяс, мукöд официальной юөр лыддьöг» сетевöй изданиеын (<http://law.rkomi.ru>).

Коми Республикаса Оланподув Ёрд